

(清)毛奇齡撰 龐曉敏主編

學苑出版社

毛奇齡全集

第十二册

經集

春秋毛氏傳 三十六卷 卷三十一——三十六卷 一

春秋屬辭比事記 四卷 二一一

春秋條貫篇 十一卷 卷一——卷三 三二九

目錄

西河合集

西河合集

蕭山毛奇齡

字大可
又秋晴

麟

春秋毛氏傳

三十一 昭公十
八年至二十四年

十有八年

春王正月曹伯須卒

夏五月壬午宋衛陳鄭災

四國同日災記異也

六月邾人入郕

邾小國名妘姓據傳邾人藉稻以周六月為夏四

春秋毛氏傳

昭

月正種稻之時鄆君履行觀種稻而邾人襲之入其國盡俘以去鄆子無所歸隨其家之被俘者于邾邾君乃反鄆夫人而留其女焉

秋葬曹平公

冬許遷于白羽

許畏鄭屢遷前旣遷葉又遷夷矣楚靈又還遷于葉今楚平用左尹子勝之言謂葉爲方城外蔽恐晉鄭侵許將爲楚患故又遷白羽經不書楚遷許而書許遷者以許自願遷也此與齊師遷邢而經書邢遷于夷儀例同

十有九年

春宋公伐邾

前年邾入鄆盡俘鄆人鄆夫人者宋向戌女也向

寧

戊子

請師于宋公宋公乃伐邾圍蟲

邾邑

取之而盡

歸鄆俘邾乃乞鄆人徐人會宋公盟于蟲而還

夏五月戊辰許世子止弑其君買

據策書許悼公瘡許世子自爲治瘡之藥以進而
殺之故曰飲太子止之藥卒杜氏曰不由醫者則
直是造藥以治疾而由誤致死縱或無意然罪大
矣故曰弑所云弑者直由此殺之也後儒不善讀

書誤解穀梁許世子不知嘗藥累及許君一語遂
謂許世子以不嘗藥書弑而胡氏又遵之夫公穀
二家俱以世子爲進藥不是嘗藥故公羊直云止
進藥而藥殺雖穀梁謂不知嘗藥累及許君然曰
累及則直以藥累矣若但不嘗何足爲累蓋其所
云不知嘗藥者非不嘗也謂其不知嘗藥之義而
自用以致累也曲禮有云君有疾飲藥臣先嘗之
父有疾飲藥子先嘗之醫不三世不服其藥夫所
以必如是其慎者以爲君子謹疾况于君父故藥
物不識雖出自醫者猶必口自嘗試以防有誤豈

可漫不由醫而直自用其藥物故穀梁但以不知
慎重爲戒而夫子則直討其自用藥物以明弑蓋
不嘗藥罪小用藥物罪大嘗藥第察其有毒與否
所防極淺而一經自用則藥與疾忤雖百嘗亦何
所挽觀傳稱君子多託夫子以爲言而此述君子
有曰盡心力以事君含藥物可也謂事君父何所
不可用心力而必用藥物此萬當舍去者也戒之
也

巳卯地震

秋齊高發帥師伐莒

春秋毛氏傳

三

路

莒恃晉而不事齊故齊伐之時莒嫠有夫爲莒所殺者嫠託身紀鄆紡纆爲布而留其繩量城板高下而續以藏之至是莒子奔紀嫠乃投繩于城外齊師登遂入紀城

冬葬許悼公

二十年

春王正月

夏曹公孫會自鄭出奔宋

鄭穀作夢策書未詳

鄭曹邑此事策書失載不當妄解胡氏引劉敞言謂自者待放也古大夫有罪待放于其境三年君

賜之環則還賜之玦則去此必賜之玦而後去者
予按春秋止有放例如宣元年晉放其大夫胥甲
父于衛哀三年蔡人放其大夫公孫獵于吳類並
無待放例以待放則必書在初放時或前後兩書
不當于三年後臨去始書簡也且曹方易君前十
八年曹平公卒而悼公立距此二十年裁兩年耳
待放須三年則此時已非三年前所放之君誰則
賜玦而使之奔宋况經有書例此書例與二十二
年華亥向寧華定自宋南里出奔楚正同故賈逵
謂此必前此以鄭叛一如華亥之先據南里以叛

卷三十一
而此時出奔故曰自此亦就經文書例而類推之
豈有趙宋儒者可公然自造爲事以註夫子之書
如劉胡者嗟乎亦無忌憚矣

秋盜殺衛侯之兄縶

公穀作輒

縶者衛侯同母兄也縶有足疾而衛侯以卜吉得

立是爲靈公

年見七

縶奪齊豹

齊惡之子

司寇與食邑而

欲去北宮喜與褚師圃故三人皆欲殺縶會宋公

于朝仕衛與衛侯嫡母宣姜通不安因藉之同作

亂藏甲于齊氏殺縶于葢獲門外衛侯奔死鳥

衛地

既而北宮喜反正伐齊氏滅之衛侯與喜盟彭水

之上并盟國人而後入公子朝褚師圃奔晉其書盜者以賊殺公子不問其爲何如人或士或大夫而概以盜名此與襄十年盜殺鄭公子駢公子發例同釋例謂士殺大夫始稱盜原屬不通胡氏謂盜指宗魯不指齊豹褚師圃等按傳齊豹曾薦宗魯于縶爲驂乘及將殺縶時豹先使魯避去而魯不肯曰聞難而逃是子薦我之言不信也子弟行事而吾從公死遂併殺之琴張孔子弟子聞魯死將弔之孔子曰齊豹之盜使豹行事孟縶之賊知難不告是縶何弔焉據此則是宗魯與此事始末全不干縶

不過一死事之傍及者凡事有主從舍主而責從此猶欒盈入晉舍欒盈而責胥午鄭伯奔蔡舍雍糾而責雍糾之妻非春秋也

冬十月宋華亥向寧華定出奔陳

寧公作甯

宋元公惡華向二族華亥華定與向寧謀先發為

亂亥以詐疾誘殺羣公子并劫公取公之于太子

欒公子辰公子地三人為質

杜氏謂公子辰地皆平公子元公弟按定

十年經書宋公之弟辰在景公時則元公子景公弟也傳稱母弟辰謂太子母弟杜誤

公亦

取華亥華定向寧子為質而盟于華氏當是時公

子城

元公弟

與華氏戰于鬼閭敗而奔晉有華費遂

者華族也。爲大司馬。公信之。與謀去華氏。乃殺華向之質子。而攻之。華向奔陳。華亥之兄華經歸公。所質三公子。而費遂之子華登。獨黨助華向。奔吳。十有一月辛卯。蔡侯廬卒。

廬左作盧

二十有一年

春王三月。葬蔡平公。

夏。晉侯使士鞅來聘。

晉頃公卽位通嗣君也

宋華亥向寧。華定自陳。入于宋南里。以叛。

公作畔

司馬華費遂生三子。華羆。華多僚。華登也。登于前年。奔吳矣。羆爲少司馬。多僚爲御士。而譖羆于公。

曰。羈將納亡人。公疑之。曰。司馬以吾故亡其子。

登謂

豈可以再亡之。及又言公名司馬之侍人使告司馬。司馬嘆曰。必多僚也。吾有讒子而弗能殺。吾又不死。抑君有命如何。乃與公謀逐華。羈將使田孟諸而遣之。公與司馬皆厚賜羈。羈之臣張句知其情。請殺多僚。羈曰。司馬老矣。登之爲甚。吾又重之。不如亡也。于是羈將見司馬而行。遇多僚。御司馬。張句怒殺多僚。遂劫司馬而名諸亡人。華向入居廬門以南里。叛宋乃城舊鄘及桑林之門而守之。

張南士曰。宋元公不能獨斷與庸耄謀而司馬優柔不決。大壞國事。大學所謂不能齊家而欲治國。